

# ТОНГ БОЛАРЗИ

Ўзбекистон болалари ва ўсмирларининг газетаси

Газета 1929 йил 1 августдан чиқа бошлаган

№ 7 (66236)  
2000 йил 17 февраль.

Сотувда эркин нархда

## ДУНЁДАН ДАРАКЛАР

Шу кунларда Хорватияда Президент сайловларининг 2 босқичи бўлиб ўтмоқда. Ушбу сайловларда овоз бериш ҳуқуқига эга бўлган 4 миллиондан кўпроқ сайловчилар иштирок этаяпти. Шунингдек, Президент сайловларида Болқон миңтақаси ва хорижий мамлакатларда яшайдиган хорват миллатига мансуб сайловчилар ҳам қатнашмоқда. Бугунги сайловларда кураш икки номзод ўртасида бўлмоқда. Булар-Стипе Месич ва Дражен Будишалардир. Сайловнинг 1 босқичида Стипе Месич 41 фойиздан кўпроқ овоз тўплади. Шу билан бирга, Дражен Будишанинг ҳам имкониятлари жуда катта, шу боис Хорватияда ким мутлоқ ғалаба қозонишини аввалдан айтиш қийин.

\* \* \*

Шимолий Европада жойлашган Финляндия мамлакатида ҳам Президент сайловлари ниҳоясига етди. Бу мамлакат ташқи ишлари вазири Тарвя Халонен Финляндия тарихида биринчи аёл президент бўлганлиги эътиборга молик. Халонен хоним сайловчиларнинг 51 фойизи томонидан кўллаб-куватланган.

Финляндия Болтиқбўйи давлатлари, Россия, Германия, Норвегия, Дания каби мамлакатлар билан турли соҳаларда алоқаларни мустаҳкамлашмоқда. Шунингдек, Финляндия Европа Иттифоқига ҳам аъзодир.

\* \* \*

Россиянинг халқаро миқёсдаги аҳволи айнан Шимолий Кавказ муаммолари сабабли маълум даражада оғирлашди. Россия Президенти вазифасини бажараётган Владимир Путин Грозний шаҳрини эгаллаш бўйича олиб борилган ҳарбий ҳаракатлар ниҳоясига етганлигини маълум қилди. Шимолий Кавказ уруши оқибатида, ушбу минтақадаги ўнлаб шаҳарлар вайронага айланди, айниқса Чеченистондаги Грозний, Шали, Аргун, Гудермес каби иирик шаҳарлар шулар жумласидандир.

Шоҳруҳ Каримбеков  
тайёрлади.

## БИЗНИС ЕТАКЧИ

Мактаб ўқувчилари-нинг маънавиятли ва маърифатли қилиб тарбиялашда етакчи чининг ўрни бекиёсdir. Тўғри, етакчи мактабда бир ўзи ҳар қанча ҳаракат қиласа ҳам, уни иши кўзга кўрин-маслиги мумкин. Аммо

мен етакчилик қилаётган мактабда 16 та синф бўлса, ҳар бирiga биттадан етакчи бириткирилган. Гуруҳ етакчини танлашда юқори синф ўқувчиларининг қобилиятига алоҳида эътибор берганимиз. Гуруҳ етакчиси ойлик иш режасини тузади. Унинг режаси мактаб етакчиси иш режасидан келиб чиқади. Шунингдек, гуруҳ

етакчисининг ўқувчи эканлигини унут-маслик зарур. Унга кўп жамоатчилик тошпириқларни бериб бўлмайди. У ўзига бириткирилга синф раҳбари билан ҳамкорлик қиласи. Синф раҳбарининг энг биринчи ёрдамчisi ҳисобланади. Ҳафта сўнггида бош етакчига олиб борган ишлари ҳақида ҳисобот беради.

**Фуломқодир СОТҚИНОВ,  
Фарғона вилояти,  
Тошлок туманидаги  
41- мактаб етакчиси.**

## ТОПИШМОҚ КИТОВ

Dadamlar menga g'alati kitob olib keldilar. G'alatiligi shundaki, u hamma kitoblarga o'xshab varaqma-varaq ochilmaydi. Balki, uzun bo'lib ochiladi. Rasmlar tagiga topishmoqlar yozilgan. Dadam ham, oyim ham, ukalarim ham kitobni qiziqib ko'rib chiqishdi. Narxi ham arzon-12 so'm ekan. Dadamlar «Tohir Mullaboyev G'aroyib topishmoqlar» ded yozib qo'yilgan kitobni «Sharq» nashriyotmatbaa konsernining bosmaxonasi tayyorlab bergenini aytib, chiqitga chiqqan qog'ozlardan chirolyi qilib chiqarishibdi, - dedilar. Men hayron bo'ldim. Qog'ozlar ham chiqitga chiqadimi? - Ha, - dedilar dadamlar. Ayrim kitoblari, gazeta va jurnallar keltirilgan qog'ozlarga mos kelmay qoladi. Natijada qog'ozlar ko'pgina bosmaxonalarda bekorga isrof bo'lib ketadi.

Men chirolyi kitobni varaqlab turib, o'sha isrof bo'lib ketadigan qog'ozlarga achinib ketdim. Lotin alisbosida o'qish uchun kitoblari juda oz, borlari ham tezda qo'lma-qo'l

bo'lib ketadi. Aziz kitob chiqaruvchi amakilar! Bizlarga rasmi, chirolyi kitoblarni ko'proq chiqarib berishni o'ylang. Topishmoqli kitobdan bir she'r yo'llayapman. Javobini topish uchun ham o'sha kitobni izlang.

Kuysa u qora qalpoq,  
Sutdek toshadi oppoq.  
O'xshab ketadi nokka,  
Ulanadi u tokka.

Behzod MURODOV,  
Toshkent shahridagi  
273-maktabning  
2-sinf o'quvchisi.



## КАМҚОН БОЛАЛАРГА КОКТЕЙЛ

Тошкент шаҳридаги «Кичкитой» болалар уйи тарбияла-нувларига Халқаро «Экосан» жамғармаси томонидан катта миқдорда «Дармон-микрел» номли коктейл совға қилинди. Бу неъмат ўзининг оқсилга бойлиги, шифобаҳшлик хусусияти билан камқонли болаларга тиббий дори-дармон ўрнини беради. У табиий восита-ўсимликлардан қилинган.

**Ахлатни ерга эмас,  
елим қонга солинг**

Республикамида атроф мұхитни асраш, озодаликка эришиш мақсадида Халқаро «ЭКОСАН» жамғарма пойтахтимиз ахолиси орасида ривожланган мамлакатлар тартибини жорий этишга қарор қилди.

Маълумки, АҚШ, Англия, - Франция каби қатор мамлакатларда ахоли уй-рўзгордан чиқадиган ахлат ва бошқа чиқиндиларни ерга, турли майдончалар ёки маҳсус темир қутичаларга эмас, маҳсус елим халталарга ташлайдилар. Шунда ҳам маълум тартибда -сабзавот пўчоқларини-бир халтага, сүякларни бошқасига, супуриндиларни яна бошқа бир халтага жойлаб, сўнг тўлган халталарни маҳсус майдончаларга элтиб кўйишиади.

Тошкент шаҳрининг Юнусобод тумани ахолисига ана шундай замонавий елим халталардан 40 мингтаси тарқатилди. Бу-бир миллион сўмлик мол дегани. Демак, одамлар юксак даражадаги санитария-гигиена кўнижмаларини ҳосил қилиш мақсадида. «ЭКОСАН» жамғармаси юнусободликларга 1.000.000 сўмлик ёрдам кўрсатди.

Азиз тенгдош! Балки бу тажриба ҳали сиз яшайдиган ҳудудларга етиб бормагандир. Лекин мақсадни англадингиз. Янги, хайрли тадбир хабарини эшилдингиз. Балки сиз бирор киши ахлат халта келтириб беришини кутиб ўтирамай, рўзгор чиқитларини иғиштиришнинг янги усулини бошлаб юборарсиз... Ахир, ортиқча ёки эскирган елим халта қайси оилада йўқ?

# ФАВЗИСИ КҮЗЛАРИМ НУРИ, СҮЗЛАРИМ ДУРИ - СИЗГА АРМУГОН

*Нега шеър ёзмайин юракдан ёниб,  
Нега таъзим эттамай сизга бу маҳал.  
Нега хизматингиз қилмай қувониб  
Эй, азиз муаллим, устоди аввал.*

**А. Орипов.**

Хар бир инсоннинг мактаб ҳақидаги илк хотиралари биринчи бор мактаб сари қўйган қадамидан бошланса кепрак. Севимли даргоҳ - кучоги она меҳри каби қайнок, меҳрибон устозлар - сўзлари болдан-да ширин, қадрдон синфдошлар - боқишилари нақадар самимий, булар ҳаммаси - менинг севимли хотираларим.

Ҳали - ҳануз ёдимда. Болалигимнинг шўх онларини ортда қолдириб, 1-синфга қабул қилиндим...

Эрталаб ҳар кунгидан вақтли турдим. Ҳали уйда ҳеч ким уйғонмаган. Шошиб ойижонимни уйғотдим. Ойижоним туриб сочимни тараф оппоқ ленталар боғладилар. Оқ фартугимни тақиб, менга чиройли гул тутқаздилар. Қўлимдан ушлаб мактаб томон етакладилар. Менинг қувончим чексиз эди. Мактабда мен тенги оқ лента, оқ фартук тақсан қизчалар, қора шим, оқ кўйлак кийган болалар кўп экан. Секин уларнинг қаторларига қўшилдим. Шунда, кўзим менга илиқ меҳр билан кулиб боқаётган нигоҳларга тушди. Шунчалар самимий эдики бу кўзлар. Ҳа, устоз, бу сизнинг меҳр тўла нигоҳингиз эди. Қўлимдаги гулларни Сизга тутдим.

Йифилиш очиқ, деб эълон қилиниб, ўқувчилар шеър, қўшиклар айтишиди. Мен ҳам ойижоним ёд олдирган «Биринчи қўнғироқ» шеъримни ўқиб бердим. Устоз, шунда Сиз қўлимга қўнғироқни тутқазиб:

- Биринчи қўнғироқни сен чаласан, ҳар доим шу кунни эслаб юргин, - дедингиз.

Дарҳақиқат, мен ўша кунни, Сизнинг гапларингизни кейинчалик кўп маротаба эсладим. Сўнг ҳаммамизни, яъни 1-«А» синф ўқувчиларини синф томон бошладингиз. Бўйимиизга қараб парталарга ўтказдингиз. Мен биринчи партада ўтириб, сўзларингизни диққат билан тинглардим. Ҳар бир айтиётган гапларингизни ёдда сақлаб қолардим.

Ёдингиздами, ўша куни биринчи

*Тошкентдаги Юсуф Мўминов номли 274-мактабнинг бошлангич синф ўқитувчиси, биринчи устозим МУҲАББАТ ЖЎРАЕВАга бағишлов*

дарсда менга яна «Биринчи қўнғироқ» шеъримни ёдлаттиридингиз. Диққат билан тинглаб:

- Баракалла, қизим, жуда яхши шеър ёдлар экансан, - дедингиз. Бу гапларингиздан ўзимда йўқ қувонганимни билсангиз эди. Ўша кундан эътиборан мен Сизни ўз онамдек яхши кўриб, ҳурмат қила бошладим. Қўлимизга қалам тутқазиб, ҳарфларни танита бошладингиз.

Устоз, эътибор берганмисиз, Сиз ўқитган ўқувчиларнинг аксарияти, кўп синфдошларимнинг ёзувлари чиройли эди. Буни



Сизни ёдга оламиз. Биримиз олиб, биримиз қўйиб синфда бўлган воқеаларни эслаймиз.

Ёдингиздами, Устоз! Сиз озодаликни биринчи навбатга қўярдингиз. Тирноқларимизни, ёқаларни, соchlарни, китоб-дафтарларимизни тез-тез кузатиб турардингиз. Синфдошим Р. нинг сочи ўсиб кетганида уч ҳафта огоҳлантиридингиз. Охири сочини олдини қайчидан озгина қирқиб қўйдингиз. Синфдошим Р. бундан ҳеч ҳам хафа бўлмади. Аксинча, доимо сочини текислатиб, озода бўлиб юрадиган бўлди.

Мана бугун Сиз 50 баҳорни қарши-ламоқдасиз. Шу давр ичидаги қанчадан-қанча ўқувчиларга билим бердингиз. Биз туфайли соchlарингизга оқ, юзингизга ажин тушган бўлса ачинманг, Устоз. Сиз берган таълимни оқлаб, Сизга лойиқ шогирд бўлишга, номингизни элга танитишга ҳаракат қиласиз. Бахтимизга соғ бўлиб, келгуси авлодга, яъни шогирдларингиз фарзандларига ҳам билим беришингизни истаб қоламан. Дил сўзларимни нафақат менинг номимдан, балки 1988 йилги қалдирғочларингиз, собиқ 1-«А» синф ўқувчилари номидан қабул этинг.

Сўзим якунида яна шоир А. Ориповнинг ушбу мисраларни Сизга тақдим этмоқчиман.

*Шафқат ҳам, меҳр ҳам қалбингизда бут,  
На ранжу, на хориш, оҳу волалар.  
Сизнинг қаршингизда сақлайди сукут,  
Олтмишга кирса ҳам шогирда бола  
лар.*

*Дилда зиё борки кмр сарафroz,  
Майли у ҳамиша баҳт билан тўлсин.  
Эй, азиз муаллим, эй азиз Устоз,  
Буқун байрамингиз муборак бўлсин.*

*Гулюз БАҲОДИР қизи,  
Ўзбекистон Миллий  
Университети  
филология факультетининг  
2-курс талабаси.*

бошқа устозлар ҳам билишарди. Юқори синфларга ўтганимизда ёзувимизга қараб: «Сизни Муҳаббат опа ўқиттанмилар?» - деб сўрашарди. Ҳатто, гап-сўзларимизни ишлатишимизга, фикрлашимизга қараб ҳам биринчи устозимиз Сиз эканлигинингизни тезда англашарди.

Ҳа, устоз! Сиз бошқа устозлар орасида ҳам чексиз ҳурмат, обрў-эътиборга эгасиз. Бу ҳаммаси Сизнинг тинимсиз меҳнатларингиз самараси эди. Сиз таълим берган уч йил мобайнида кўп нарсаларни, яъни одобни, муоммалини, ёзишни, ўқиши, маданиятни, дўстларимга ва ўзимдан катталарга ҳурматни, хуллас, яхши фазилатларимни барчасини Сиздан ўргандим. Энг қувончли кунларда, мактабни битириб олийгоҳга - талабалар сафига қабул қилинганимда, ҳаётимда кўп ютуқларга эришганимда ҳам доим Сизни эслардим.

Устоз! Сиз нафақат меҳрибон, балки вақти келганида шафқатсиз ҳам эдингиз. Шафқатизлигингиз ҳам биз учун тўғри йўлни танлашимизда катта ёрдам берди. Ёлғон сўзламасликка, озода бўлишга, изланишга ўргатдингиз. Мана, Сиз таълим берган ўқувчилар ҳозирда турли олийгоҳларда билим олмоқдалар. Сиз берган билимни оқламоқдалар.

Синфдошлар билан учрашганимизда ҳам



## ЧОРСУГА КИРИШ- 15 СҮМ

Мен саккизинчи синфда ўқыйман. Сингилларим 3, 5- синфларда ўқишиди. Иккита укам эса ҳали кичкина. Дадам мактабда қоровул бўлиб ишлайдилар. Уйимизга меҳмон келганда меҳмонга янги сочиқ топиб бера олмай онам уялиб кетдилар ва эртаси куни мен билан Чорсу бозорига бориб, сочиқ, совун, тиш пасталари олиб келмоқчи бўлдилар. Иккита автобусга тушиб, она-бала йўлкира учун 100 сўм пул сарфлаб, бозорга етиб келдик. Аммо бозорга кириш учун ҳам пул тўлаш керак экан. Ўттиз сўмга иккита темир танга олиб, маҳсус жойга ташлаб, бозорга кирдик, аммо биз ўйлаган нархда сочиқ ҳам, совун ҳам, тиш тозалагичу пасталар ҳам йўқ экан. Онамга бозорнинг ёнидаги Аброр Ҳидоятов театрига чиқадиган йўлда ҳам ёймачилар ўтиришибди, у ёқа ўтиб ҳам бир кўриб боқинг-чи, деб маслаҳат беришибди. Биз у ердан ҳам чўнтағимиз кўтарган нархда бирор нарса ололмадик. Йўлимизга қайтиб, бекатга бориш учун ҳаракат қилсан, узун тўн кийиб, баридаги чўнтағига одамлардан йиққан пулларини солаётган амаки биздан ҳам бозорга кириш учун пул сўради. Онам ҳозиргина кўз олдингизда шу бозордан чиқдим-ку, икки марта пул бераманми? - деб жавоб қайтарсалар, амаки бор овози билан онамни сўкиб берди. Мен сизларни кириб-чиқаётганларингни кузатиб турибманми? Ўзингиз тузук аёлга ўхшайсиз, нега гапни айлантирасиз...

Хуллас, биз бекатга борадиган яқин бозор йўли билан эмас, уч-тўрт марта узок йўл билан кетишига мажбур бўлдик. Шунда ўйлаб қолдим. Бозорга кўп одамлар борса, олди-сотди қизиб, бозор гавжум бўлса, бозор-бозор бўлади-ку. Айримлар ҳеч нарса харид қилмасалар ҳам бозор айланиб юракларининг чигилини ёзадилар. Аммо баъзида қийналиб турган чоғингда тўнининг барига кўрингандан пул йигиб олаётган амакиларнинг бозори туллаётганга ўхшайди. Сиз нима деб ўйлайсиз?

Гулмира, Тошкент туманидаги 34-мактаб ўқувчиси.

## TONG YULDUZI




### БЕКОРЧИ БЎЛМАНГ

Маҳалламиз болалари орасида Нозимнинг «шўх»лиги ўзига кўринди. Портгайдиган, ёнадиган «ўйинчоқ»лар билан бизни қўрқитадиган Нозимнинг ўзи бехуш бўлиб йиқилиб қолди. «Портглатгичи» қўлининг бармоқларини юлиб кетди.

Маҳалламизда бўлган бу хунук воқеани ёзишимдан мақсад- бекорчи нарсаларга вақтингизни сарфламанг. «Софлом авлод йили»да сизга фақат соғлик тилайман, азиз тенгдошлар!

*Одилахон Содиқова  
Фарғона вилояти,  
Кўқон шаҳридаги  
6-мактабнинг «Хуқуқ»синф  
ўқувчиси.*



### ШАМНИНГ ЁРУФИ НИМАДАН?

Кейинги пайтларда қишлоғимизда тез-тез чироқ учадиган бўлиб қолди. Айниқса, 6-7 нинг орасида. Бунга кўнишиб, уйимизга шам фамлаб қўядиган бўлдик. Даствлаб 25 сўмдан олинган шамлар эндиликда 100 сўмдан сотилмоқда. Нархи баланд бўлгани сари шамларнинг ёниш даражаси жуда тез. Ҳа, ҳа, ишонаверинг, шамлар жуда тез ёниб тугайди. Бувимлар шамнинг тез ёнишига пилиги сабабмикан, ёғими, деб дадамлардан сўраганларида мен кулиб юбордим. Бувижон, шамнинг ёғини ҳам, пилигини ҳам ажратиб берайми? Сабабини билиб одасиз.

Бувим ҳазилимга жиддий жавоб бердилар.

Бир вақтлар шамлар ҳозиргидек тез ёнмас эди. Ҳафталаб ишлатиб ҳожатимизни чиқарадик. Нархи ҳам бир хил сақланарди. Энди эса билмадик, шамчилар заводи кўпайиб кетганни ёки пул ишлайман, деган одамлар диёнатини баттароқ йўқотяптими...

Қадрдон газетам «Тонг юлдузи». Сенга бугунги кунда ҳожатимизни чиқаришга тез-тез яраб турган шам ҳақида ёзгим келди. Мақолам чиққач, қишлоғимиз катталари шамнинг нархи баланд, ўзи тез ёниб битаркан, деб чироғимизни ўчирмаслик ҳақида ўйлашса. Салом билан,

*Гулноза МАҚСУДОВА,  
Тошкент туманидаги  
Турғун Мирзаев жамоа  
хўжалигининг Сабзавот  
қишлоғи. 25-мактабнинг  
7-синф ўқувчиси.*

## «СУПЕРИНСОН» ЯРАТИЛАДИМИ?

Ақлий ва жисмоний кўрсаткичлари одамлардан юқорироқ бўлган «супер»инсонлар яратиштиёки башариятда азат-азалдан бўлган. Жумладан, ўрта асрларда яшаган юонон алхимики Парацельс сунъий усулда одамни тайёрлаш рецептини эълон қилган. Унинг фикрича, бу сунъий одам имкониятлари сарҳадсиз, комил мавжудот бўлиши керак эди. Бир неча бор бунга муваффақиятсиз уринишдан кейин ҳафсаласи пири бўлган алхимик ниҳоят одам яратишдан кўнгли сөвиди-да, умрининг сўнгигача мисни олтинга айлантириш устида иш олиб борди. Ёки Гётенинг «Фауст»идаги жодугар Вагнер яраттан сунъ-

ий одам Гомункулни олиб қарайлик, албатта бунда Гомункулнинг ўзи ҳали одамлар сафига қўшилишига бир баҳя борлигини эътироф этса-да, барibir бу асос ҳам мозийимиздаги дунёқарашлар даражасини кўрсатиб турибди. Ундан кейинроқ Мери Шеллининг «Франкенштейн», ёки замонавий Прометей»романида эса одамсимон маҳлуқнинг яратилиши жуда кўп фожиали оқибатлар билан тугагунлиги ҳақида мисоллар келтирилади.

Дарвоҳе, ақлий ва жисмоний жиҳатдан одамлардан юқори, қусур ва камчиликлардан холи, ҳар томонлами комил инсонни яратишга уринишлар ҳозир чиндан ҳам мавжудми ёки булар мишишларми?

«Евгеника» атамасини фанга биринчи марта 1869йилда Ф. Гальтон киритган бўлиб, бу атама инсон турини яхшилаш мазмунини беради. У ўзининг «Истебоднинг ирсий берилиши, қонуниятлари ва оқибатлари» китобида одам ҳам барча тирик мавжудот каби ирсиятнинг барча қонун-қоидаларига бўйсунишини, иккинчидан эса, одамнинг яхши сифатларини сақлаб кўпайтириб, ёмонларини йўқотиши ҳисобига турини яхшилаш мумкинлиги ҳақида далиллар келтириди. «Ёмон сифатларни камайтириш учун»-деди у. - «Қариндошлар орасидаги нигоҳга барҳам бериш, ирсий хасталикка учрагани одамлардан авлод қолдирилишига йўл қўймаслик керак». Бундан ташқари, давом этади муаллиф: - «Ижобий Евгеника талабаларини амалга ошириш

учун ақлий ва жисмоний бакувват одамларнинг ургуларини чатишириш йўли билан «янги одам»ни яратиш керак». Муаллифнинг айнан шундай кўрсатмалари Гитлерга жуда хуш келиб қолган ва бир неча йиллар мобайнида фашист ва ирқчи медиклар томонидан амалиётга қўлланиб келинган.

Россияда ҳам бу масалага қизиқиш жуда катта бўлган. 1920 йилда профессор Н. Колцов раҳбарлигига «Рус евгениклар жамияти»нинг ташкил топиши ҳам фикримизнинг яққол далилидир. Бу даргоҳда инсон ирсиятнинг меъёри ва хасталиклари ҳар жиҳатдан ўрганилган, қандли диабет, ранг ажратолмаслик, қон босими, меъда ичак хасталиклари каби ирсий мойиллик берадиган хасталиклар, қариндошлар орасидаги никоҳ ҳоллари таҳлил қилинган.


Собиқ шўролар мамлакатида бир неча йиллар ишлаган немис олими Г. Мёллер евгениканинг фаол тарғиботчиси бўлган. Унинг фикрича фақат, шошилинч евгеник тадбирларигина башариятни муқаррар ирсий халокатдан кутқариб қолган.

Бу ғалати дунёқарашини у айниқса «Биологнинг келажакка назари» китобида тўлиқ баён қилган.

Кўпгина хориж олимлари эса бу борадаги тақиқотлар инсониятнинг фожиаси билан тугайди, деб ҳисоблайдилар.

*Абдуҳамид АБДУҒАФФОРОВ тайёрлади,  
ТошДШИ толиби.*





## ЎСАР БОБОМ

Гиёҳларни йигиб тогда,  
Юар табиб Ўсар бобом.  
Бир кўргандан қайси дардга,  
Малҳамлигин айтар шу дам.

Шифо излаб борсанг агар,  
Жони дилдан қабул этар.  
Равшан этиб хуфтон дилинг,  
Қадрингга албатта етар.

Тиббиётнинг сир-асорин,  
Ўқиб олган Ўсар бобом.  
Ҳаким Луқмон таълимотин,  
Ўқиб олган Ўсар бобом.

Гиёҳларин йигиб тогда,  
Юар табиб Ўсар бобом.  
Бир кўргандан қайси дардга,  
Малҳамлигин айтар шу дам.

## ОЛМАЛИҚДА ТОНГ ОТДИ

Олмалиқда тонг отди,  
Үт юракка ўт ёқди.  
Истиқолол нурин сочиб,  
Кўқдан қуёш ҳам боқди.

Олмалиқда конлар кўп,  
Иштаётган жонлар кўп.  
Чор тарафи мевазор,  
Хирмонларда донлар кўп.

Олмалиқ, ҳей, Олмалиқ,  
Тилаймиз биз омонлик.  
Дадил қадам ташлайвер,  
Кўмагайсан ёмонлик.

Ўзбекистон байробин,  
Кўтар арши-аълога.  
Минг бор шукр қиласан,  
Яратганим – Оллоҳга.

**Эрназар РЎЗИМАТОВ,**  
Туркестон  
шахри.

Қодиржон ит боласини жуда яхши  
кўради. Салимникидай итим бўлса,- деб  
орзу қиласди. У орзусини дадасига ҳам  
айтган. Дадажониси: «Сен ҳали кички-  
насан, итни боқа олмайсан, бунинг усту-  
га кундузи уйда бўлмаймиз», – деб бу-  
раса юрадиган чиройли ўйинчоқ маши-  
на олиб берди.

У машинасини олиб, эшик ол-  
диди турган эди, қўшни болалар келиб,  
«Қодир юр, бозорга борамиз, кабу-  
тар, итларни томоша қиласан», - дей-  
ишиди.

– Йўқ, мен бормайман, дадам уру-  
шадилар,-деди у йигламсираб.

– Эй, қўрқоқ, - деб болалар кети-  
шаётган эди, Қодир ҳам уларнинг ке-  
тидан югуриб кетди. Нодирнинг ёнига  
югуриб бориб: «–Нодир aka, менга Са-  
лимникидай чиройли ит олиб беринг», -  
деди.

– Айирбош қиласиган ниманг бор?  
– сўради Нодир.

## ТАБИАТ МУЗЕЙИГА-МАРҲАБО

Ўзбекистон Маданият ишлари  
вазирлигига қарашли Табият Даъват  
музейи таъмирланиб, қайта жиҳозлан-  
ди. Ушбу маскан Республика музейи  
самарали маърифий-маданий муасса-  
салардан бири. Бу даргоҳ ташкил этил-  
ганига яқинда 125 йил тўлди.

Мутахассисларнинг илмий изла-  
нишлари ва музей ходимларининг  
ҳаракати билан музейнинг намойиш  
жиҳозлари заҳираси йил сайин кўпай-  
иб бормоқда. Музейдаги мавжуд тўртта  
кўргазмалар бўлимларида ҳозир 400  
мингдан ортиқ жиҳозлар намойиш  
этилмоқда. Унинг 300 мингтасини тур-  
ли ҳашаротлар ташкил этади.

Мактаб ўқувчилари ва ёш таби-  
атшунослар, шунингдек олимлар  
музей жамғармасида мавжуд  
геология, зоология-

га оид материаллар ва 11 мингта  
гербаридан фойдаланишлари  
мумкин.

– «Софлом авлод йили» га бағишилаб  
биз маҳсус дастур туздик, -деди муз-  
ей директори Эргаш ака Исломов.-  
Асосий мақсадимиз ёш авлод қалби-  
да табиятга, атроф-муҳитни муҳофаза  
қилишга, ўсимликлар ва ҳайвонот  
дунёсини асрарга меҳр-муҳаббат уй-  
ғотишидир. Бу мақсадда кўчма кўргаз-  
малар ташкил этиш, олимлар ва ёш  
табиятшунослар билан учрашувлар ва  
бошқа турли ил-  
мий-маърифий  
тадбирлар ўтка-  
зишни режалаш-  
тирик.

**ГАВҲАР.**



## «ШАНКАР» совриндорлари

Ўзбекистон Маданият Ишлари Ва-  
зирлигининг Республика Болалар ижо-  
диёти маркази аъзоларидан бир гурухи бу  
йил биринчи марта ёш ижодкорларнинг  
салмоқли ва обрўли кўрик-танловида иш-  
тирок этди. Ҳиндистон пойтахтида ҳар  
йили мунтазам ўтказиб келинадиган бо-  
лалар расмлари кўргазмасида бултур ўзбек-  
истонлик ўн нафар ёш рассом, тошкен-  
тилик Ойбек Исломов совриндорларни қўлга  
киритди. У Жавоҳарлаъл Неру номидаги  
олтин медаль билан тақдирланди. Марказ  
тарбияланувчилари 4та катта ва 5та ки-  
чик кумуш медаллари билан мукофот-  
ландилар. Шу муносабат билан Тошкент-  
даги ҳинд маданияти марказида мазкур  
кўрик-танлов голибларининг расмлари  
кўргазмаси очилди.

Республика Бадиий Академияси «Шан-  
кар» кўрик-танлови совриндорларининг  
ижодини томошибинлар эътиборига тал-  
қин этди. Томошибинлар Ойбек Исломов  
чизган Ражив Ганди ва Жавоҳарлаъл Неру  
суратларига, Разид Собирниёзовнинг

«Кришнанинг болалиги» асарларига  
юқори баҳо бердилар.

## БМТ мамлакатлари бўйлаб саёҳат

Яқинда Бирлашган Миллатлар Ташки-  
лотининг Ўзбекистондаги ваколатхонаси  
болалар учун мўлжалланган «БМТ мам-  
лакатлари бўйлаб саёҳат» деб номланган  
китобини ўқувчилар хукмiga ҳавола этди.

Бу китоб ўтган йили БМТ нинг Нью  
Йорқдаги департаменти томондан инглиз  
тилида нашр этилганди. Унинг республи-  
камиздаги илк сони рус тилида чоп этил-  
ди. Шу кунларда унинг ўзбекчаси ҳам нашр  
эттирилмоқда.

Ноябрда БМТнинг халқаро ташкилот  
сифатида ташкил топиш тарихи, бугунги  
кунда халқаро миқёсдаги фаолияти, кела-  
жакдаги вазифалари хусусида батафсил  
хикоя қилинди. Китобни таникли ўзбек  
мусаввири Анвар Мамажонов нозик дид  
билан безаган.



**Муҳаббат МАҲСУДОВА**  
тайёрлади.

## БУЗУК СОАТ

- Мана, яп-янги, чиройли, ўзи юра-  
диган машинам бор,-деб қўйнига яши-  
риб қўйган машинасини кўрсатди.

- Машинангни менга бер, сенга ка-  
бутаримни бераман,- деди Нодир.

- Нега энди, кабутаринг ўйингга ке-  
тиб қолади, керакмас, мен итга алмаш-  
ман,- деди Қодир.

Улар ҳаш-паш дегунча бозорга етиб  
келиди. Бозор авжиди, кимдир кабутар  
сотяпти, кимдир сотиб оляпти. Қодир чи-  
ройли ит боласи ушлаб турган нотаниш  
боланинг ёнига келиб.

- Итингни машинамга алмашасан-  
ми?, - деб сўради. Боланинг ҳам машина-  
га ҳаваси келиб қўлига олди.

- Машинамга ҳали ҳеч кимнинг қўли  
тегмаган. Дадам дўкондан яқинда олиб  
бердилар,- деди Қодир.

- Ҳа, янги экан. Менинг итим масҳа-  
рабоз, сакраб ўйнайди. Энг яхшиси, ўйга  
бегоналарни қўймайди. Бўпти ўртоқ, ал-  
машсак алмаша қолайлик. Шунда Қодир  
жуда ҳам хурсанд бўлиб кетди. У кучукча-  
сини кўрсатиб, болаларга роса мақтанди.

Эртаси куни болалар Қодирларнинг ўй-  
ига борди. Кучукча инида хомуш ётарди.  
Қодир бориб, уни бўшатди, ит бир сил-  
киниб, кўчага отилди. Болалар ит кети-  
дан югуришди. Лекин ит бир зумда гойиб  
бўлган эди...

- Ўша боланинг ўйини билармидинг,-  
сўради дадаси Қодирдан.

- Йўқ, билмайман...

Хуллас, Қодир ҳам машинасидан, ҳам  
кучукчадан айрилиб қолди.

Лекин дадаси янги йилга совфа, деб  
яна бир янги машина олиб берди.

Бир куни болалар майдончада  
ўйнаб ўтиришган эди. Уларнинг ёнига  
қўшни домдан бир бола келиб, мен ҳам  
бирга ўйнай, -деб сўради. Болалар ҳам  
руҳсат беришиди. Шунда у бола Қодир-  
ни машинасини қўриб, унга ҳаваси  
келди.

- Кел, машинангга мана бу соатни  
алмашайлик, яп-янги, дадам Япония-  
дан олиб келганлар. Ҳар соатда мусиқа  
чалади, -деди бола.

Қодирнинг ҳам соатга ҳаваси келди  
ва машинасини соатга алмашди. У  
соатни кўтариб ўйига келди ва дада-  
сига кўрсатди. Шунда дадаси:

- Ўслим, бу бузуқ соат экан, иш-  
ламаяпти-ку,-деди. Қодиржон соатга  
қараса, у чиндан ҳам ишламаётган экан?  
У соатни кўтариб, кўчага чиқди, боя-  
ги болани узоқ қидирди, лекин топа  
олмади. Бу вақтда бояги бола ўйинчоқ  
машинани мазза қилиб ўйнаётган эди...

**Қодирбай ТУЛАБОЕВ.**

## I-ko'rinish.

Qatnashuvchilar:

1-Qarg'a: O'quvchi - o'g'il bola.

2-Tulki: O'quvchi - o'g'il bola.


3-Laylak: O'quvchi - qiz bola

Sahna bezagi: Bir baland daraxt rasmı yoki maketi.

Birinchi parda birinchi ko'rinish.

(Sahnaga tulki kirib keladi. U o'zicha pichirlab qo'llari bilan qornini changallab u yoqdan bu yoqqa yuradi.)

- Oh, o'larday och qoldim-da. Qani endi bir burdagina non yo bo'lmasa suyak bo'lsa. Ha deb u yoqdan bu yoqqa sang'igandan ko'ra biron o'lja topilmasa. Shu deyman bizlarga ham



qorin to'yg'azish qiyinlashib bormoqda. Odamlardan ham insof ketmoqda. Qadimda qishloqlarda tovuqlar ko'p bo'lardi. Endi bo'lsa u ham kamayib ketgan. Ne kunlarga qoldik-a? Bir burda yegulikka zor bo'lib o'rmonda sang'ib yursam, bu ne ko'rgulik. Ochdan o'lmaslik uchun birir hiyla o'ylab topsammikan? Bekorga bizni ayyor tulki deyishmaydi-ku!

*U shundan so'ng baland daraxt yoniga yaqinlashadi. Daraxt tepasida laylak uyasi. Uyada laylak va uning uchta bolasi vaqt-vaqt bilan tak-taklab qo'yadi.*

Tulki:- Hozir boplayman, sen uzun oyoqni. Seni boplab ishontirmasam tulki otimni boshqa qo'yaman. (U shunday deb sahnani tark etadi. Bir zumda qo'lida bolta va arra bilan paydo bo'ladi. Haligi daraxt oldiga borib, laylakka do'q ura boshlaydi.)

- Ey, uzun bo'ylik. Nega bizning yerda makon qurding? Qani, tezda jo'nab qol-chi. Menga daraxtni kesish zarur bo'lib qoldi.

Laylak:- Jon birodar, uyimni buzmay tur. Bolalarim hali temir qanot bo'lishgani yo'q. Menga rahming kelmasa ham, bolalarimga qil. Bularni hozir hech qayerga olib ketolmayman.

Tulki:- Gapni qisqa qil-da, jo'na bu yerdan!

Laylak:- Axir...

Tulki:- O'ylasting uchun uch daqiqa, bo'lmasa daraxtni shartta kesaman. (U arrani daraxtga soladi)

Laylak:- Jon, tulkijon, rahm qil. Hozir o'ylab ko'raychi... Topdim. (Ma'yus holda)

Tulki:- Nimani topding?

Laylak:- Bir bolamni senga bersam, axir qorning och bo'lsa kerak.

Tulki:- Xo'p, mayli. Bittasi bo'lsa mayli. Faqat tezroq bo'l!

Laylak:- Mana, olaqol. (Bolasini birini tulkiga tashlaydi.)

Tulki:- Aytmaganimidim kallani isatish kerak. Bizning ham o'zimizga

## TULKIILA QARG'A

(Maktabdagi adabiy kechalarda va sinfdagi Abdulla Avloniy asarini o'rganish jarayonida qo'llash uchun mo'ljallangan senariy)

yarasha rizqimiz bor. (Sahnani tark etadi)

Ikkinchik ko'rinish

O'sha sahna, o'sha ko'rinish.

Laylakning mungli ovozi eshitiladi:

- Men nima qilib qo'ydim? O'z bolamni o'zim o'ldirsam... O'lsam ham bu yerga ikkinchi uya qurmayman. (Sahnaga qarg'a kirib keladi. U laylakning nolasini eshitib): - Senga nima bo'ldi, tinchlikmi?

Laylak:- Boshimga og'ir musibat tushdi. Tulki kelib bu yerlar meniki, tezda jo'nab qol. Bo'lmasa honavayron bo'lasan, -deb do'q urdi. Men qo'rqqanidandan una bolalarimdan birini berdim.

Qarg'a:- Voy, laqmayey. Hali tulkinining gapiga kirib, bolangni juvonmarg qildingmi?

Laylak:

- Boshqa ilojim yo'q edi...

Qarg'a:- Shunga ham aqling yetmasa, ovsar ekansan.

Laylak:- Nima demoqchisan?

Qarg'a:- Tulkinining daraxt keskanini ko'rganmisan?

Laylak:- Qarg'aning aqli yetgan narsaga mening aqlim yetmasaya?

Qarg'a:- Endi bo'lar ish bo'libdi. Tulki ertaga ham kelsa, tag'in laqqa tushib yurmagan.

(U iziga qaytadi. Sahnani tark etadi.)

Laylak:- Endi tulkiga ishonmayman.


Sahnada yana tulki paydo bo'ladi. Uning qo'lida arra va bolta. - Hoy, laylak, hali ham shu yerdamisan? Tezda jo'na bo'lmasa, daraxtni ag'daraman. (Tulki arrani daraxtga soladi.)

Laylak:- Yo'qol, xoin. Kecha meni aldagani eding. Bugun nayrang o'tmaydi.

Tulki:- Hali shunaqami? Sen buncha aqlni qayerdan ola qolding?

Laylak:- Kecha aqlim yetmagan edi.

Tulki:- Senda aql bo'lishi mumkin emas, birov o'rgatgan bo'lsa kerak. Bildim, senga qarg'a o'rgatgan. Hali shoshmay tur! (Tulki sahnani ta'irk



etadi)

## 2-parda.

(Tepaliklar ko'rinishi. Tepaliklarning birida tulki o'zini o'lganga solib yotibdi, ko'zlar yumilgan)

Sahnaga qarg'a kirib keladi. U tulkinining bosh tomoniga yaqinlashadi va: - Ajaling yetibdi-da, tulkivoy! Shunday dashtu-biyobonda o'lib qolganingni qara. Hoynahoy ochlikdan o'lgan bo'lsa kerak. Hozir men uni ko'zlarini o'yib olaman. (Qarg'a tulkiga engashadi)

O'zini o'lganga solib yotgan tu'xi, epchillik bilan qarg'ani qo'lga tushiradi.

Tulki:- Hali senmi meni ochdan o'ldirmoqchi bo'lgan? Chuchvarani hom sanabsan. Endi o'zing menga yem bo'lasan. (Tulki qarg'ani yeishiga chog'lanadi)

Qarg'a:- Mayli yesang, yeyaqlol, faqat bittagina iltimosim bor.

Tulki:- Qanday iltimos ekan?

Qarg'a:- Meni yeishdan oldin kichkinagina bir so'zni aytsang, xarom o'lmasdim.

Tulki:- Mayli, ayta qol, qanday so'z ekan?

Qarg'a:- Men nodon bo'lmasam, laylakka yaxshilik qilibman, -deb o'zimni qo'lga tushiramanmi?

Tulki:- Shumi, xolos?


Qarg'a:- Ha, bor yo'g'i shu.

Tulki:- Xo'p, eshit bo'lmasa. Men nodon bo'lmasam, laylakka yaxshilik qilaman, deb, o'zimni qo'lga tushiramanmi? (Oxirgi so'zlarni aytayotganda qo'llarini yonboshiga yozadi.)

Qarg'a:- Xo'p mayli, sen ochingdan battar qiyalgin! (Qarg'a tulkinining qo'lidan qochib ketadi.)

Tulki:- Men yana bir marta qarg'anining gapiga ishonib yuribman-a? Voy, ochlik, burchalar xuruj qilmasang? O'lib qolmasam bo'ldi. (Tulki qornini changallab, sahnani tark etadi.)

Mahmud ANNAQULOV,  
Jizzax viloyati,  
Forish tumanidagi Nizomiy nomli  
62-o'rta maktabning ona tili va  
adabiyoti o'qituvchisi.



Диққат, конкурс: XXI аср фани бўйича

# «ИҚТИСОДИЁТДАН САБОҚЛАР» СИРТКИ МАКТАБ КОНКУРСИННИНГ 1999-2000 ЎҚУВ ЙИЛГИ МАВСУМИ ЭКОЛОГИЯ ВА ИҚТИСОДИЁТ

“Иқтисодиётдан сабоқлар” сирткі мактаб конкурсынинг 1999-2000 йилги мавсуми лойиха муаллифлари-фан номзодлари Эргашвой Сариқов ва Баҳодир Ҳайдаровларнинг ташаббуси билан яна бошланди. Бу йилги конкурс билан бир қаторда яна уч ўйналиш бўйича алоҳида кичик конкурслар ўтказилади:

1-йўналиш: Энг яхши иқтисодий мазмундаги мақолалар конкурси;

2-йўналиш: Энг яхши бизнес режа, лойиҳалари конкурси;

3-йўналиш: Энг яхши рекламалар конкурси.

“Иқтисодиётдан сабоқлар” сирткі мактаб конкурсынинг ўзагини ўқув йили давомида олиб бориладиган дарс топшириқлари асосидаги асосий конкурс ташкил қиласди. Бошқа кичик конкурсларга қатнашмоқчи бўлган ўқувчилар бу асосий конкурс шартларини йил давомида бажариб боришлари шарт.

“Иқтисодиётдан сабоқлар” сирткі мактаб конкурсига оид дарс материаллари ва топшириқлари ҳар ҳафта газета орқали бериб борилади. Сиз дарс материалини ўрганиб чиқиб,

топшириқларни бажариб, жавоб йўллашингиз зарур бўлади. Топшириқ шартларини газетадан кўчириб олишингиз ёки ундан ксероксда нусха олиб, тўлдириб жўнатишининг мумкин. Шунингдек, топшириқни бевосита газетадан қийиб олиб тўлдириб йўллашингиз ҳам мумкин.

Конкурснинг якуний босқичи 2000 йил апрель ойида Тошкент шаҳрида ёки ёз пайтида сўлим оромгоҳларнинг бирода 3-4 кун давомида ўтказилиши мўлжалланмоқда.

Асосий конкурс голибларини телевизор, магнитофон, аудио-плеер каби қимматбаҳо совринлар кутмоқда. Қолган кичик конкурс шартларини газетанинг кейинги сонларида эълон қиласми. Кичик конкурс голиблари учун ҳам алоҳида маҳсус совринлар белгиланган.

XXI аср фани бўйича ўтказилаётган конкурслар турли янгиликларга қизиқувчан, тиришқоқ ва ижодий фикрлайдиган ўқувчиларни таклиф қиласми. Омад сизга ёр, билим мададкор бўлсин.

Конкурс ташкилотчилари.



## 12 - ДАРС ОРОЛ МУАММОСИ

Республикамиз худудида жойлашган Орол денгизи мисолида табиат билан ҳисоблашмаслик-қандай аянчли оқибатларга олиб келишини кўриб чиқайлик. Олдин тарихга бир назар ташлайлик.

Бундан 40 йил олдин Орол денгизи чуқурлиги 67 метр, шимолдан жанубга 400 километрга чўзилган ажойиб дентиз эди. Денгизда ўнлаб турдаги балиқлар бўлиб, денгиз бўйидаги Мўйноқ шаҳрида балиқдан консерва тайёрлайдиган завод қишин-ёзин узлуксиз ишлаб турар эди. Денгиз атрофидаги майдонлар эса чакалакзорлар ва тўқайлар билан қопланган бўлиб, бу ерларда жайронлар, тулкилар, қуёнлар, ўрдаклар ва ҳоказо турли хилдаги паррандалар ва ҳайвонлар яшаган.

Орол ва Оролбўйи худудиининг иқтисодиётдаги аҳамияти ҳам катта бўлган. Балиқчилик катта даромадлар келтириб турган, денгиз ва унинг атрофида яшайдиган ҳайвонлар ва паррандалардан гўшт маҳсулотлари ҳамда мўйналар тайёрланган. Шунингдек, денгиз атрофидаги майдонлarda катта миқдордаги чорва моллари бокилган, серҳосил ерларда эса дехқончилик ривожланган бўлган. Умуман, Орол ва Оролбўйи худудида катта чиқимлар талаб қўлмайдиган яхши даромадли соҳалар ривожланган эди.

Собиқ иттифоқ даврида Ўзбекистонга Марказ томонидан хом ашё базаси сифатида қаралиши ва республика қишлоқ хўжалигига пахта монополиясининг ҳукмронлиги натижасида Орол ҳавzasидаги экологик вазиятга эътибор берилмади.

Хўш, Орол муаммосининг пайдо бўлишига нималар сабаб бўлди?

Амударёнинг Орол денгизига қўйилишини яхши билсангиз керак. Кўпроқ паҳта етишириш мақсадида сугориладиган экин майдонлари кенгайтирилди ва Амударё бўйларида катта сунъий сув ҳавзалари - сув омборлари барпо этилди. Амударё сувининг катта қисми экин майдонларни сугоришга ва сув омборларни тўлатишига жалб этилди. Натижада, Орол денгизига қўйиладиган сув миқдори камайиб кетди. Бу эса, ўз навбатида Орол денгизидаги сув миқдорининг камайишига сабаб бўлди. Орол денгизининг суви камайиб, денгиз қирғоқлари ўнлаб километр ичкарига кириб кетди. Денгиздаги сувнинг камайиши ҳисобига сувнинг шўрлик даражаси 3 баравар ошиб кетди. Натижада, денгизда яшайдиган кўплаб балиқ турлари ва ҳайвонлар нобуд бўлди. Балиқчилик билан шугулланиш мумкин бўлмай қолди. Денгиз ўринидаги тузлар шамол билан ҳавога кўтарилиб, денгиз атрофидаги худудларни қоплаб бошлади. Тўқайзор ва чакалакзорлар ўринда чўл пайдо бўлиб, бу ерларда яшайдиган ҳайвонлар сони кескин камайди. Айрим турдаги ҳайвонлар эса батамом қирилиб кетди. Об-ҳаво ва ичимлик сувнинг ифлосланиши натижасида аҳолининг яшаш шароитлари оғирлашди. Орол денгизидаги сувнинг кескин камайиши ҳатто шу атрофдаги Хоразм вилояти, Қорақалпогистон Республикаси, Бухоро вилоятининг шимолий районлари иқтисодиётiga ҳам салбий таъсир ўтказди. Чунки, Орол денгизидан шамол туфайли келган тузлар ерларни шўрлантириб, экинзорларнинг унумдорлигини камайтириб, кўплаб мевали боғларни нобуд қилди. Ичимлик сувларининг сифати ёмонлашди. Ҳозирги пайтда сифатли ичимлик суви билан таъминлаш ва аҳоли соғлигини яхшилашга катта миқдорда сарф-харажатлар қилинапти.

Хулас, бир пайтлар катта иқтисодий даромадлар келтираётган ҳудудда экологиянинг бузилиши оқибатида бугунги кунда иқтисодиёт катта талофат кўрмоқда, одамлар соғлигига птуртетмоқда. Бу оқибатларнинг олдини олиш ва тугатиш мақсадида ҳукуматимиз томонидан катта маблағлар сарфланмоқда. Орол ва Оролбўйи муаммоси фақат Ўзбекистон иқтисодиётини эмас, балки Ўрга Осиё давлатлари, ҳатто бутун дунё иқтисодиётига ҳам таъсир кўрсатаяти.

Орол денгизига муаммосини бартараф этиш борасида мамлакатимиз Президенти И.А. Каримовнинг Бирлашган Миллатлар Ташкилотида қилган маърузасини айтиб ўтиш жоиздир. Маърузада бутун жаҳон ҳалқлари ўз эътиборини қаратиши керак бўлган глобал масалалар қаторида Орол ва Оролбўйи муаммоси ҳам кўтарилди. Бу маъруза Орол муаммосига ҳалқаро ҳамжамиятининг дикқатини жалб қилди. Ҳозирги кунда бу муаммони сиши ўйлида ҳалқаро ҳамжамият томонидан амалий тадбирлар кўрилмоқда. Республикамиз мустақилликка эришганидан кейинги кўрилган қатъий чора-тадбирлар натижасида Орол денгизига Амударё ва Сирдарё суви яна қайтадан қўйила бошлади.

## 12 - ТОПШИРИҚ ОРОЛ МУАММОСИ

1. Бўш жойларга керакли сонларни қўйинг.

Бундан \_\_\_\_ йил олдин Орол денгизи чуқурлиги \_\_\_\_ метр бўлиб, шимолдан

жанубга \_\_\_\_ кам масофага чўзилган эди.

2. Тўғрисини топинг.

Орол муаммоси фақат:

A. Ўзбекистон;

B. Ўзбекистон ва Қозоғистон;

C. Марказий Осиё давлатлари;

D. Бутун дунё;

E. Фақат Осиё қитъаси;

халқларига тааллуқли.

3. Қийидаги жумлалар тўғри бўлса, «+», нотўғри бўлса «-» белгисини қўйиб муносабатингизни билдиринг.

Бундан 40 йил олдин Орол денгизи ва Орол бўйи худудида:

1. Балиқчилик ривожланган бўлган;

2. Ҳеч қанақа ҳайвонот дунёси бўлмаган;

3. Чорвачилик ривожланган бўлган;

4. Дехқончилик билан шуғулланишган;

5. Яхши даромадли соҳалар ривожланмаган.

4. Орол муаммоси деганда нималарни тушунасиз?

Жавоб:

1. \_\_\_\_\_
2. \_\_\_\_\_
3. \_\_\_\_\_
4. \_\_\_\_\_
5. \_\_\_\_\_

5. Жумлани тўлдиринг.

Орол муаммосининг пайдо бўлиш сабаблари:

- \_\_\_\_\_
- \_\_\_\_\_
- \_\_\_\_\_
- \_\_\_\_\_
- \_\_\_\_\_

лардан иборат.

6. Тўғрисини топинг.

Орол денгизининг сувининг камайишига

1. Ёғингарчиликнинг кам бўлиши;

2. Денгиз сувининг кўп миқдорда буғланиши;

3. Амударё ва Сирдарё сувларининг сув омборларни тўлатиши ва сугоришга ишлатилиши;

4. Табиий иқлим ўзгаришлари;

5. Ер ости сувлари сатҳининг пасайиши – сабаб бўлганди.

7. Орол денгизи ва Орол бўйи ҳудудининг ҳозирги ҳолатини тасвириланг.

Жавоб:

- \_\_\_\_\_
- \_\_\_\_\_
- \_\_\_\_\_
- \_\_\_\_\_
- \_\_\_\_\_

8. Орол муаммосини ечишининг қандай йўл-йўриқларини таклиф қиласиз?

Жавоб:

- \_\_\_\_\_
- \_\_\_\_\_
- \_\_\_\_\_
- \_\_\_\_\_
- \_\_\_\_\_

МАКТУБЛАРИНГИЗНИ ҚЎЙИДАГИ МАНЗИЛГА

ЮБОРИШИНГИЗ МУМКИН:

700029. Тошкент шаҳри, Мустақиллик майдони, 2-

йўл, 402-хона (Музаффар Пирматовга).

Мулокот учун тел.: 139-49-32.

## 13 - ДАРС

ТАБИАТНИ МУХОФАЗА ҚИЛИШ -  
ҲАММАНИНГ БУРЧИ

Инсониятнинг иқтисодий соҳадаги фаолияти натижасида экологик муаммолар юзага келар экан. Хўш, бир ўйлаб кўрайлик-чи! Охир-оқибат, инсониятнинг бу иқтисодий фаолияти натижасида оладиган фойдаси, бу фаолият юзага келтирган экологик зарарнинг ўринини қоплашга кетадиган, кўпинча ҳеч қаерда қайд қилинмайдиган

ҳаражатларидан кўпми ёки камми? Албатта, агар яхшилаб ҳисоб-китоб қилинса, фойдадан кўра зарар кўп бўлиб чиқади. Демак, ҳеч қанақа иқтисодий фаолият билан шуғулланмаслик керак экан-да? Йўқ, албатта. Иқтисодий фаолият билан шуғулланниш керак, лекин бу фаолият келтириб чиқардиган экологик зарарни олдини олиш, табиатни муҳофаза қилиш керак.

Бу иш билан асосан давлат назорат органлари шуғулланади. Ҳар бир давлатда атроф-муҳитни муҳофаза қилиш юзасидан турли хил чора-тадбирлар кўрилади, қонунлар қабул қилинади.

Масалан, завод ва фабрика мўриларига турли хил заҳарли моддаларни ушлаб қоладиган, ҳавони тозалайдиган мосламалар ўрнатиш, оқава сувларни дарёларга оқизишини таъқидаш каби чора-тадбирлар амалга оширилади.

Шундай бўлса-да, айрим узоқни кўзламаган корхоналар ва фирмалар, фақат фойда орқасидан қувиб, атроф-муҳитни ифлослантириб келишади. Бундай қонун-бузарларга давлат жарималар солиш, ҳатто корхонани ёлиб қўйишгacha бўлган чораларни қўллади. Бу жарималар миқдори жуда катта бўлиб, бу жаримани тўлагандан кўра, тегишли тозаловчи мосламаларни сотиб олиб ўрнатиш иқтисодий томондан фойдали бўлиши кўзда тутилади.

Табиатни ифлослантиришнинг олдини олиш билан бир қаторда табиат ресурсларидан самарали фойдаланиш ҳам муҳим аҳамият касб этади. Бу ўринда тежамкор технологияларга бўлган талаб ошиб бормоқда. Чунки бундай технологиялар табиат ресурсларини тежаш билан, атроф-муҳитга камроқ зарар етказади.

Бир пайтлар Ўзбекистонда гўзапоя, шоли ва буғдой сомонларининг катта қисми ўтин ва ҳашак сифатида фойдаланилар эди. Ҳозир шундай технологиялар яратилганки, улар асосида гўзапоя, шоли ва буғдой сомонларидан қурилиш материаллари ва мебеллар тайёрланмоқда. Натижада, қанчадан-қанча ўрмонзорлар сақлаб қолинаяти.

Шунингдек, ҳозирда атроф-муҳитга ҳеч қанақа чиқинди чиқармасдан ишлашга асосланган чиқиндисиз технологиялар яратиш долзарб масалалардан бўлиб турибди.

Бундай технологияга асосланган корхо-



шуғулланади. Масалан, "Green pease" ҳалқаро жамияти, "Экосан" - ҳалқаро экология ва саломатлик жамғармаси шулар жумласидандир.

"Экосан" жамғармаси Республикализ ва умуман бутун Марказий Осиё минтақасида экологик ҳолатни соғломлаштиришга, атроф-муҳитни муҳофаза қилишга, аҳолининг саломатлигини ҳимоя қилишга қаратилган қатор амалий ишларни бажариб келмоқда.

Умуман олганда, табиатни авайлаб асрар ота-боболаримиздан қолган мерос удум бўлиб, бу борада ҳар биримиз ўз ҳиссамизни қўшмоғимиз даркор.

Хўш, бунинг учун биз нималар қилишимиз мумкин? Энг аввало, ўзимиз покиза юрмоғимиз, яшаб турган ҳовлимиз, маҳалламиз, мактабимиш, қолаверса шаҳар ва қишлоғимизни тоза ва озода тутмоғимиз лозим. Уйимиздан ва ҳовлимиздан чиқаётган ахлатларни фақат белгиланган жойларга олиб бориб тўкишимиз керак. Барг ҳазонларини ёқиб, ҳавони булғамаслигимиз лозим бўлади. Дарё ва ариқлардан оқаётган сувларни ифлослантирмаслигимиз, ариқларни тозалаб турмоғимиз керак бўлади.

Ўсимликлар ва ҳайвонот дунёсини асрар-авайлашимиз даркор. Кўча-кўйлардаги дараҳтларни парвариши қилишимиз, янги дараҳт кўчатлари ўтқазишмиз керак бўлади. Ўз навбатида уй ҳайвонларига, қушларга ва жониворларга нисбатан раҳм-шавқатли бўлишимиз керак.

Агар юқорида келтирилган, табиат олдида ҳам қарз, ҳам фарз ҳисобланмиш олдийгина ишларни ҳар биримиз астойдил амалга оширсан, она табиатимизга қанчалар ёрдам беришимиз ва бундан давлатимиз, қолаверса ўзимиз қанчалар фойда кўришимизни тасаввур қилиш қийин эмас.



нанинг табиий ресурслардан фойдаланиш са-марадорлиги энг юқори, атроф-муҳитга етказадиган зарари эса энг кам бўлади.

Давлат ташкилотлари билан бир қаторда, но-давлат, жамоат ташкилотлари ҳам борки, улар нафақат бир мамлакат ҳудудида, балки бутун дунё бўйича атроф-муҳит муҳофазаси муаммолари билан

## 13 - ТОПШИРИҚ

ТАБИАТНИ МУХОФАЗА ҚИЛИШ -  
ҲАММАНИНГ БУРЧИ

1. Сувнинг ифлосланиши билан боғлиқ муаммоларнинг қандай ечимларини таклиф қиласиз?

Жавоб:

- 1.
- 2.
- 3.
- 4.
- 5.

2. Қийидаги жумлалар рост бўлса, "Р" ёлғон бўлса, "Е" ҳарфларини мос катакларга ёзинг.

1. Иқтисодиётнинг экологик муаммоларга таъсири йўқ.
2. Экологик муаммоларнинг иқтисодиётга таъсири йўқ.
3. Экологик муаммолар билан фақат давлат шуғулланиши керак.
4. Атроф-муҳитни муҳофаза қилиш ҳар биримизнинг ишимиз.
5. Ҳар қандай экологик муаммони табиатнинг ўзи ҳал қила олади.

3. Бир катта шаҳарда автомобиллар кўплигидан ҳаво ҳаддан ташқари ифлосланадиган бўлибди. Сиз бунинг олдини олиш учун қандай чора-тадбир тақлиф қилган бўлар эдингиз?

Жавоб:

---



---



---

4. Бир вақтлар одамлар ариқдаги сувни истеъмол қилишган. Ҳозирда нима сабабдан ариқ сувини ичиш мумкин эмас?

Жавоб:

---



---



---

5. Табиатни муҳофаза қилишда расман иштирок этажтган қайси ташкилотларни биласиз?

Жавоб:

- 1.
- 2.
- 3.
- 4.

6. Ҳавонинг ифлосланиши билан боғлиқ муаммоларнинг қандай ечимларини таклиф қиласиз?

Жавоб:

- 1.
- 2.
- 3.
- 4.

7. Атроф-муҳит муҳофазасига сиз қайси хатти-ҳаракатларингиз билан ўз ҳиссангизни қўшишингиз мумкин?

Жавоб:

- 1.
- 2.
- 3.
- 4.
- 5.

8. Яқин орада атроф-муҳитни муҳофаза қилиш бўйича қандай тадбирда иштирок этдингиз? Кисқача баён қилинг.

Жавоб:

---



---



---

МАКТУБЛАРИНГИЗНИ ҚУЙИДАГИ МАНЗИЛГА

ЮБОРИШИНГИЗ МУМКИН:  
700029, Тошкент шаҳри, Мустақалик майдони, 2-  
йўл, 402-хона (Музаффар Пирматовга).  
Мулоқот учун тел.: 139-49-32.

## QO'G'IRCHOQ

Gulnora qo'g'irchoqning  
Sochini yulib oldi,  
Oltinday zar tolalar  
Boshdan uzilib qoldi.

Uning bosh oyog'ini  
Yulib oldi akasi,  
Qo'g'irchoqning qo'rquvdan  
Yorildi o'takasi.

Endi qo'g'irchog'i yo'q,  
Endi o'yinchog'i yo'q.  
Gulnora zerikkanda  
Biror ovunchog'i yo'q.

## DILDORA

Sochi uzung Dildora  
Xavasimni keltirar.  
Mening yaqin dugonam  
Yaxshi ko'rishim bilar.

O'qishni ham biladi,  
Chizishni ham biladi.  
A'lo baholar olib,  
Shirin orzu qiladi.

## MAKTABIM


Menga berding bilmuni  
O'qish yozishni bildim.  
Xizmat qilib elimning  
Mehrin olmoqchi bo'ldim.

Ustozlarim onamdek,  
Sinfoshlar do'st-o'rtoq.  
Maktabim, qadrdonim.  
Senga chiqib dilim chog'.



**Gulchehra Abdusazimova**  
Toshkent,  
273-maktab, 4-sinf.

# АКДЛИ БОЛА



## АБДУЛЛА АВЛОНИЙ

## БИР БОЛА

Бир бола қўшнининг уйига  
уралмиш табақда таом олиб  
борур эди. Бир киши  
учраб:

- Эй, ўғлим, табақда нима  
олиб борурсан? - деди.  
Ақдли бола жавоб бериб:  
- Эй отажон, табақ ичиндаги  
нарсани(нг) кишига айтмоқ ва  
кўрсатмоқ мумкин бўлса эди,  
усти ўролмаган, очиқ бўлур  
эди, - деди.

## ОВҚАТЛАНИШ ОДОБИ

Кечки овқатланишдан сўнг бу-  
тун оила-ота, она ва болалар сух-  
батлашиб ўтирадилар. Гап овқ-  
атланиш одоби устидаги борарди.

**Отаси деди:** - Овқатланиш  
одобларидан асосийлари исроф-  
гарчиликка йўл қўймаслик, кера-  
гидан ошигини еб мечкайлик  
қилмасликдир.

**Онаси деди:** - Овқатланишдан  
аввал икки кўлни ювишлик ҳамда  
оғзидағи овқат билан гапирмас-  
лик ҳам овқатланиш одоблари-  
дандир.

**Катта ўғил деди:** - Овқатланиш  
одоби ҳақидаги шундай ҳадисни  
биламан:

«Расулуллоҳ С.А.В. шундай де-  
дилар: - Эй бола, овқатни бисмил-  
лоҳ деб ўнг қўлинг билан егин ва  
сенга нимаики қўйилган бўлса  
егин!».

**Кичик ўғил деди:** - Яқинда му-  
аллимимиз бизга кўп овқат еюв-  
чи киши ва унга бошқаларни му-  
омаласи ҳақида қисса айтиб бер-  
дилар.

Оиладагилар ундан шу қиссани  
айтиб беришини илтимос қилди-  
лар.

**Кичик ўғил сўзлаб берди:**

«Бир киши сафар қилиб кетаё-  
тиб, бир қишлоққа бориб қолди. -  
Қишлоқда бир дехқон уни уйига  
таклиф қилди. Мехмонни иззат-  
икром билан ўтказгач, дастурхон



## Оғизл ҳақимуржон

ёзуб, нон қўйди. Кейин эса таом  
келтиргани ошхонага чиқиб кет-  
ди. Овқат олиб келиб қараса, меҳ-  
мон нонни еб қўйибди(паққос еб  
бўлибди). Дехқон бориб яна нон  
келтирибди, унгача эса меҳмон  
таомни еб бўлибди. Дехқон яна  
таом келтирибди, меҳмон эса  
нонни тушириб бўлибди.

Шу тариқа бечора мезбон бир  
неча маротаба у ёқ-бу ёққа қат-  
набди, сўнг сайёҳдан сўрабди:

- Хўш, биродар, йўлингиз қай  
тарафларга, нима юмуш билан са-  
фарга чиқдингиз?

**Меҳмон дебди:** - Эй биродар,  
ошқозонимнинг касали бор ше-  
килли, иштаҳамни мазаси  
йўқ, шаҳарлик фалончи табиға  
кўрсатиш учун кетаётibman.

**Мезбон дебди:** - Илоҳим шифо  
топинг, фақат сиздан бир илти-  
мос, қайтаётганингизда бизнинг  
қишлоқни четлаб ўтинг!

**Гулчехра РАСУЛОВА,**  
араб тилидан ўғирди.  
Тошкент ШИНИНГ З-курс  
талаобаси.

## ЎЧМАС НОМ

Бобомиз Алишер Навоий  
тавалид топган кун муносабати  
 билан байрам шодиёнаси  
А.Икрамов туманидаги 203-мак-  
табда ҳам ўтказилди.

Ўқувчилар саҳнада Навоий  
замондошлари нималар билан  
машғул бўлганликларини  
кўрсатдилар. Меҳмонлар, туман  
раҳбарлари, шоиру адиллар ва  
мактаб маъмуряти гувоҳлиги-  
да фаол ўқувчиларга совғалар  
топширилди. Байрамида асосан  
ўқувчилар иштирок этиб, ўз  
иқтидорларини саҳна асар,  
ўйин-кулгулар, шоир газалларини  
ёд айтиш билан намоён қил-  
дилар.

Навоий номи ўқувчилар қал-  
бидан ҳеч қачон учмайди. Чун-  
ки Навоий - эрк, озодлик, гўзал  
ҳаёт куйчисидир.

Шаҳло МУТАЛОВА.

SHKAF ICHIDA KIM  
BOR?

Ilm sohiblari bo'lmish aziz  
ustozlar, bizni go'zal  
chamanzorlarga parvoz etishga  
shaylab beruvchi, yuksakka  
yetaklovchi ulug' zotdirlar, Ammo  
ba'zi bolalar biz bolamiz, nima  
qilsak qilaveramiz, -deb o'yaydilar.  
Bolalik sho'xligi, beg'uborligi deb  
ustozga hurmat, qadrlash hissini  
unutib qo'yadilar...

6 - sinfda biologiya darsiga  
tayyorgarlik ko'rishayotgan  
o'quvchilar dars boshlanish  
arafasida Xamidaning shkaf ichiga  
berkinib olganini payqamatay qolishdi.  
Hamida balki darsga tayyor emasligi  
uchun shunday qildimikan? Ustoz  
uning odobsizligini bilgan bo'lsa  
ham uni o'rtoqlari oldida  
uyaltirmaslik uchun «Shkaf ichida  
kim bor?»-deb so'ramadi ham.  
Chunki ustozda sir saqlash, bola  
qalbiga yo'l topishdek chiroylig  
fazilatlari bor. Fikrimiz chalg'ib,  
odobimiz sal izdan chiqqanda bizga  
aksimizni to'g'ri ko'rsatib bera  
oladigan tiniq oynadir. Ustoz hamma  
narsani bilib, sezib turadi. Uning  
tajribasi zukkoligi, bor, axir.

Bolalar, siz ustoz oldida qarzdarlik  
hissini tuyganmisiz? Yashirin sir,  
ayblaringiz ustozga ayon bo'lib  
qolganda ular sizga qanday  
qaraganlar? Yoki... Shu haqda bizga  
yozib yuboring.

**Ma'mura MADRAHIMOVA.**

Ўзбекистон болалари  
ва ўсмирларининг  
газетаси

**Муассислар:**  
ЎЗБЕКИСТОН  
РЕСПУБЛИКАСИ  
ДАВЛАТ МАТБУОТ  
ҚўМИТАСИ,  
ЎЗБЕКИСТОН  
РЕСПУБЛИКАСИ  
ХАЛҚ ТАЪЛИМИ  
ВАЗИРЛИГИ,  
«СОҒЛОМ АВЛОД  
УЧУН»  
ХАЛҚАРО ХАЙРИЯ  
ЖАМФАРМАСИ

**БОШ МУҲАРРИР:**  
Умид АБДУАЗИМОВА

**ТАҲРИР ХАЙЬАТИ:**

Шуҳрат АХМЕДОВ,  
Йўлдош САИДЖОНОВ,  
Гулнора ЙЎЛДОШЕВА,  
Хотам АБДУРАИМОВ,  
Мукаррама МУРОДОВА,  
Суннатилла ҚЎЗИЕВ,  
Эргашвой САРИҚОВ.

Ижарадаги Тошкент  
Матбаа комбинатида  
оффсет усулида 39092  
нусхада босилди. Ҳажми  
2 босма табоқ,  
Буюртма - К-7722  
Газетани PENTIUM-II  
титх компютерида  
Абдуҳамид  
АБДУҒАФФОРОВ  
саҳифалади.  
Навбатчи:  
Озода ТУРСУНБОЕВА

Рўйхатдан ўтиш  
тартibi № 000137  
Манзилимиз  
700129,  
Тошкент шаҳар,  
Навоий кўчаси 30-уй.

Тел: 144-62-34